

ÍÐRÓTTA- OG TÓMSTUNDASTEFNA SNÆFELLSBÆJAR



SNÆFELLSBÆR

Stefna Snæfellsbæjar í íþrótt- og tómstundamálum

Markmið sveitarfélagsins með íþrótt- og tómstundastarfi er:

- að sem flestir taki þátt í íþrótt- og tómstundastarfi.
- að stuðla að jafnrétti, vinna gegn fordómum og efla forvarnir.
- að skapa sveitarfélaginu jákvæða ímynd og gera það enn eftirsóknarverðara til búsetu og þjónusta íbúa eftir fremsta megni.

Með eftirfarandi stefnumörkun er markaður rammi utan um þau hlutverk sem sveitarfélaginu er ætlað að sinna í íþrótt- og tómstundamálum í samfélaginu. Skýr stefna tryggir að allir sem starfa að íþrótt- og æskulýðsmálum stefni í sömu átt með það að markmiði að efla íþrótt- og tómstundastarf í Snæfellsbæ.

Það er mikilvægt í hverju samfélagi að það sé fjölbreytt íþrótt- og tómstundastarf. Slíkt starf er ein af grunnþörfum hvers samfélags. Hlutverk þessarar stefnu er að styðja við almenna heilsueflingu og efla það íþrótt- og tómstundastarf sem fram fer í Snæfellsbæ en þátttaka barna og ungmenna í slíku starfi hefur óumdeilt forvarnargildi. Snæfellsbær er heilsueflandi samfélag og hefur m.a. lagt áherslu á uppbyggingu íþróttamannvirkja og aðstöðu til heilsueflingar auk stuðnings við félög sem standa að íþrótt- og tómstundastarfi.

Félög sem standa að íþrótt- og tómstundastarfi í sveitarfélaginu skulu hafa mótaða stefnu í sínu starfi. Sveitarfélagið hvetur félög til að setja sér slíka stefnu, sé hún ekki til staðar, og reyna að vinna að sömu eða sambærilegum markmiðum og fram koma í þessari stefnu.

Íþrótt- og tómstundastefna Snæfellsbæjar 2025-2027 var samþykkt af bæjarstjórn XX. XXX. 2025

Stefna þessi skal endurskoðuð á tveggja ára fresti.

Íþrótt- og æskulýðsnefnd Snæfellsbæjar

Íþróttastarf barna og unglunga

Markmið:

- Allt íþróttastarf skal stuðla að góðri líðan og heilsu barna og unglunga.
- Börn og unglingar skulu hafa jafnan aðgang að íþróttastarfi í sveitarfélaginu.
- Börn og unglingar kynnist fjölbreyttum íþróttagreinum.

Leiðir:

- Að bæta og styðja við íþróttaaðstöðu fyrir fjölbreytta íþróttastarfsemi svo að sem flestir finni eitthvað við sitt hæfi.
- Að hvetja skóla, félög og aðra aðila sem bjóða uppá íþrótt- og tómstundastarf að vera í samráði þegar verið er að skipuleggja stunda- og tímatöflur svo að börn og ungmenni gefist kostur á að stunda fleiri en eina íþrótt- og/eða tómstundagrein.
- Halda áfram að styðja við íþróttafélögin með styrkjum/fjárframlögum.
- Halda áfram að veita frístundastyrki fyrir öll börn og unglunga á aldrinum 0-20 ára vegna þátttöku í skipulögðu íþrótt- og tómstundastarfi.
- Halda áfram að ná til barna og foreldra af erlendum uppruna með fræðslu og upplýsingagjöf í samstarfi við íþrótt- og æskulýðsfulltrúa.
- Að þjálfarar skrifi undir starfs- og siðareglur íþróttafélaga og leggi áherslu á virðingu og gleði í öllu starfi með börnum og foreldrum.
- Kröfur um menntun og hæfni þjálfara og leiðbeinenda séu skilgreindar.

-
- Börn, foreldrar, þjálfara og aðrir sýni virðingu og gleði í samskiptum, vinna saman að því að útrýma einelti og sýni heilbrigðan metnað í keppnisferðum og þjálfun.
 - Halda áfram með rútusamgöngur milli þéttbýliskjarna svo börn og ungmenni í sveitarfélaginu hafi aðgengi að íþrótt- og tómstundastarfi, ásamt því að halda áfram með akstursstyrk til íbúa í dreifbýli vegna íþrótt- og tómstundastarfs barna í þéttbýli.

Almenningsíþróttir

Markmið:

- Að íbúum á öllum aldri gefist kostur á að stunda alhliða líkamsrækt og tileinka sér heilbrigða lífshætti.
- Íþróttir og útivist sé kynnt sem mikilvæg forvörn gegn fíkniefnum og sjúkdómum.
- Bæta aðstöðu fyrir hvers konar almennings íþróttaiðkun, auka fjölbreytni og tryggja eldri borgurum góðan aðgang að íþróttamannvirkjum.

Leiðir:

- Halda áfram uppbyggingu göngu-, hjóla-, og reiðstíga í Snæfellsbæ.
- Halda áfram að vinna að því að gefa út kort af sveitarfélaginu og merkja inn á það útivistarsvæði, leiðir og vegalengdir svo aðstaðan sé aðgengileg bæði íbúum og ferðamönnum.
- Að efla ýmsar uppákomur og viðburði sem setja svip á bæjarlífið og hvetja til hreyfingar.
- Að kynna sundlaugar og hvetja fólk almennt til sundiðkunar.
- Að kynna fyrir íbúum möguleika til útivistar og hollrar útiveru.
- Upplýsingar um þá möguleika sem eru til staðar fyrir íþrótt- og tómstundastarf í bæjarfélaginu verði aðgengilegir á heimasíðu sveitarfélagsins og uppfærðar reglulega.
- Að styðja við hópa sem skipuleggja göngu- hjóla- og hlaupaferðir í Snæfellsbæ.
- Halda áfram að vinna að verkefninu heilsueflandi samfélag.

Afreksíþróttir

Markmið:

- Að Snæfellsbær styðji við hæfileikaríkt íþróttafólk þar sem áhersla er lögð á að sem flestir haldi áfram íþróttaiðkun eftir að unglingsárum lýkur.
- Með því móti er hægt að skapa jákvæðar og mikilvægar fyrirmyndir fyrir börn og unglinga í sveitarfélaginu.
- Að sem flestir íþróttamenn geti stundað íþrótt sína á afreksstigi í sveitarfélaginu og auðvelda íþróttamönnum í Snæfellsbæ að ná afreksárangri.

Leiðir:

- Að bjóða íþróttafólki uppá eins góða aðstöðu til iðkunar og kostur er.
- Að styðja við innra starf íþróttafélaga, m.a. með markmiðssetningu, þannig að þau geti unnið saman og með bæjaryfirvöldum að framgangi afreksíþróttar.
- Íþróttafélög sem njóta styrks frá sveitarfélaginu séu með siðareglur og þjálfarar og sjálfbóðaliðar starfi af fagmennsku og fylgi siðareglum í tengslum við æfingar, keppni og annað félagsstarf.
- Að styðja þá aðila sem stunda íþróttir á afreksstigi og auðvelda þeim að ná góðum árangri.
- Að styðja við og aðstoða þá aðila sem stunda íþróttir á afreksstigi með því að sækja um fjárhagsstyrki í samstarfi við HSH og aðildarfélags þeirra.

Tómstundastarf

Markmið:

- Að íbúar á öllum aldri geti stundað uppbyggilegt og öflugt tómstundastarf við sitt hæfi, auðvelda og auka þátttöku eldri borgara og fólks með fötlun.

Leiðir:

- Starfrækt sé öflug félagsmiðstöð fyrir ungmenni þar sem lögð er áhersla á fjölbreytt og skapandi starf. (Áhersla lögð á að ná til ungmenna sem ekki sækja í íþróttir eða annað skipulagt tómstundastarf.)
- Að ungmenni á aldrinum 16-20 ára hafi aðgengi að félagsmiðstöðinni.



- Að kynna starf þeirra félaga sem starfa að tómstundamálum á heimasíðu sveitarfélagsins.
- Halda áfram að styðja við félagsstarf ásamt því að styðja við ýmsar uppákomur og viðburði tengda tómstundamálum.
- Að auðvelda nýrri tómstundastarfsemi að komast á legg t.d. með fjárframlögum, ráðgjöf eða aðgengi að húsnæði fyrir starfseminum.
- Halda áfram með rútsamgöngur milli þéttbýliskjarna svo börn og ungmenni í sveitarfélaginu hafi aðgengi að íþrótt- og tómstundastarfi, ásamt því að halda áfram með akstursstyrk til íbúa í dreifbýli vegna íþrótt- og tómstundastarfs barna í þéttbýli.